

Na osnovu člana 16. stav 3. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 166. sjednici, održanoj 19.10.2018. godine, d o n o s i

RJEŠENJE

o imenovanju Readmisionog tima Vlade Zeničko-dobojskog kantona

I.

Imenuje se Readmisioni tim Vlade Zeničko-dobojskog kantona kao stalno tijelo nadležno za organizaciju aktivnosti vezanih za osiguranje prihvata, prprata i privremnog zbrinjavanja ranjivih readmisiranih osoba sa područja Zeničko-dobojskog kantona, u sastavu:

1. Vildana Kondić, kantonalni koordinator - Ministarstvo za rad, socijalnu politiku i izbjeglice,
2. Ramo Suić, član - Ministarstvo unutrašnjih poslova,
3. Indira Mundžić, član -Ministarstvo zdravstva,
4. Mujo Kućanović, član - Ministarstvo za obrazovanje, nauku, kulturu i sport.

II.

Zadaci Readmisionog tima iz tačke I. ovog rješenja su:

- a) preuzimanje zahtjeva za prihvata, proprat i privremno zbrinjavanje ranjivih readmisiranih osoba koje su imale posljednje prijavljeno prebivalište na području neke od općina Zeničko-dobojskog kantona od Ministarstva za ljudska prava i izbjeglice Bosne i Hercegovine i Federalnog ministarstva raseljenih osoba;
- b) koordinacija aktivnosti sa drugim kantonalnim institucijama i ustanovama u vezi sa prihvatom, propratom i privremenim zbrinjavanjem ranjivih readmisiranih osoba;
- c) organizacija sastanaka sa nadležnim organima na nivou kantona u zavisnosti od svakog konkretnog slučaja, a s ciljem potpunog upoznavanja sa specifičnostima svakog slučaja;
- d) organizacija trijaže slučajeva prema kategoriji ranjivosti, a koja se vrši od strane stručnih osoba predstavnika nadležnih organ kantona ili općina/grada;
- e) izrada plana potreba ranjivih readmisiranih osoba za svaki konkretan slučaj;
- f) praćenja izdvajanja budžetskih sredstava na nivou kantona i općina/grada sa područja Zeničko-dobojskog kantona namijenjenih za potrebe ranjivih readmisiranih osoba;
- g) ažuriranje podataka o ranjivim readmisiranim osobama;
- h) praćenje procesa integracije ranjivih readmisiranih osoba i izvještavanje o istom Ministarstva za ljudska prava i izbjeglice Bosne i Hercegovine i Federalnog ministarstva raseljenih osoba.

III.

Sve troškove koji nastanu pri zbrinjavanju ranjive readmisirane osobe snosit će nadležna ministarstva iz tačke I. ovog rješenja ovisno od utvrđenih potreba ranjive readmisirane osobe.

IV.

Administrativno-tehničku podršku za rad Readmisionog tima Vlade Zeničko-dobojskog kantona pružat će Ministarstvo za rad, socijalnu politiku i izbjeglice.

V.

Naknadu za rad Readmisionog tima Vlade Zeničko-dobojskog kantona odredit će ministar za rad, socijalnu politiku i izbjeglice posebnim rješenjem.

VI.

Ovo Rješenje stupa na snagu danom donošenja i biti će objavljeno u „Službenim novinama Zeničko-dobojskog kantona“.

Broj: 02-34-15832/18.

Datum, 19.10.2018.godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Imenovani (putem Ministarstva),

1x „Službene novine Zeničko-dobojskog kantona“,

1x a/a.